

紅雪樓原
版影印

蔣士銓著九種曲

上海朝記書莊印行

唐駝署

紅雪廬原平

桂林霜

癸亥孟秋莫寒



桂林霜傳奇自序



西興古驛也驛有丞狹隘迫蹙蹶躓隨牛馬走官斯者猥俗自厭過客弗顧焉予棲越州六載涉羅刹一江如履閩馬君宏壘來爲丞予輒止行李驛門數與語初以爲馴謹儒士也及君出扶風譜系相示始詳其家世於戲忠義之門顧亦官此耶君曰某家以文毅公難廕世叨 恩襲某兄今列佐領固如舊惟某久困一衿鰥居二十年家壁立乞升斗微祿養子女耳豈得已耶予聞而悲之按譜馬氏顯列仕籍者自別駕公起家生廣文公至總督公門乃大

而文毅公挺然繼起殉厥封疆合門靖難年纔四十有四
嗚呼偉矣哉先是天啟辛酉遼左兵變廣文公晝夜守城
力頗瘁夫人趙氏聞訛言倉卒驅女孫入井率家人死者
四十餘口去康熙丁巳未六十年而廣西難作何其慘也
國初三孽跳梁諸臣死者纍纍然目炬脣鋒赫然史冊卽
釵笄角巾同任國殤者亦難厯數顧皆慷慨捐生雖難而
未極其至也若文毅半載空衙四年土室凍骸餓殍縱橫
階祀間虎俵雉媒魃沙魚餌日陳左右而屹然不動卒至
嚙血常山旋飈柴市偕四十口藁葬尸陀嗚呼可謂極其

難者矣長夏病瘧百事俱廢瘧止輒採其事填詞一篇積
兩旬成桂林霜院本酷暑如熾攜枕簟就穉樹下臥而讀
之侍疾者愀然而悲听然而笑予且不知其故也他日客
有過予者曰讀君空谷香如飲吾越醞雖極清冽猶醇醴
也此文則北地燒春其辣逾甚豈五齊之法未辨耶抑秫
稻麴蘖湛饔水泉之異性陶器火齊之殊用耶願聞其旨
予輒然曰枚臯飛書相如典冊辛毗寒木劉逖春華夫固
各有其筆也冬日飲湯夏日飲水甘酒母痰燒春宰凍所
宜有間焉子酒家南董也予店語耳若砭予文當求之和

與緩遂召馬君而貽之君不能出一詞淚浪浪溢卷端再拜而去乾隆辛卯仲夏鉛山蔣士銓書于蕺山之館



序

史冊忠貞義烈之臣或異或同後先輝映卽學士大夫不能僂指其幸而傳播天壤雖愚賤皆知姓名者則托于詞客演于伶人之故然則一丈瓊璫兩牀絲竹關乎名教風化也亦大矣哉

國初三孽鼎沸其間殉保障而死職守與夫合門同盡者如繁星閃爍霄漢汗簡昭垂藏諸冊府海內閭閻之人弗知也若似茫茫古今只此岳鵬舉楊椒山輩數公撐持宇宙而已不亦隘乎 茗生太史氣和而性烈每與談史事

目光射人唏噓壯激聲錚錚不可遏齷齪之士輒避去予弗敢厭也今夏太史病瘧兩旬旣愈出新詞一帙笑謂曰此店語也盍覽之予讀于乙夜乃知爲馬文毅合家殉廣西之難而作揆勢揣聲如見其人如聞其語以至性寫奇人故宜如是予咏嘆之餘嗚咽不能卒讀而家人僮婢咸倚壁拭涕不勝悲哽其所感又何摯歟然特觀之紙上誦之燈前耳假使優孟寫生聲容曲肖其感發懲創之有裨于風教也又可知矣因勸亟付剞劂俾文毅合門靈光浩氣由斯普現大千也豈非忠烈之所甚願乎乾隆辛卯九

秋燕臺張三禮書于越州郡齋



馬文毅公傳

馬雄鎮字錫蕃號坦公漢軍鑲紅旗人曾祖重德以貢除遼陽都司訓導遷江南太平通判攝蕪湖當塗令皆有異政民爭畫其像投効歸後兩邑祠祀之祖與進字復所亦官訓導天啟辛酉遼有兵禍公率民捍城甚力妻趙氏因訛言遽驅女孫入井領家人四十餘口同日死父鳴佩字潤甫從龍入關以部郎出爲汾潞道數立戰功歷官至兩江總督善治兵尤知人垂老致仕生一子卽雄鎮也公以大臣子選用起家工部歷官清要康熙九年出撫廣西削

平諸劇盜惠政淪浹十三年吳三桂反將軍孫延齡私與
通挾夙恨遽斬都統孟一茂等三十餘人勒兵出城遣甲
士圍撫署以僞命遺公衣冠脅降是時巡撫尙未設標兵
公束手無策易朝服自經家人急救之不死乃遣僕賀徵
齎疏遁入京師告變尋又遣承差楊啟祥引長子世濟遁
繼則托幕客李子燮朱昉及承差唐守道唐正發挾次子
世永孫國楨遁延齡瞰得之乃迫公遷土室公拔刀自剄
賊兵奪刀落兵四指公又不得死遂全家被囚者厯四載
延齡百折之不少屈然延齡亦以此感悔觀望不遽赴滇

逆實公持守功也十六年三桂遣其孫世宗收兩粵斬延齡百計誘公降且置盛筵示敬禮公怒罵益甚賊不能堪十月十二日押公至烏金舖使人執公兩幼子相挾制公詈不絕口賊乃殺二子公奪兩頭擊賊遂被害時年四十有四老僕諸應兆等九人見公死交口躍罵賊駢戮之時眷屬尙羈別室聞公變長媳董氏先投縋繩絕仆地觸首面俱碎復上掛死時年二十有七公妾顧氏劉氏女二姐五姐世濟妾苗氏以次縊夫人李氏坐觀之使各就衾殮然後北向九叩從容自挂時年三十有九其僕婢十八人

皆殉焉守兵二人感且涕私記各屍焚而瘞于廣福寺後
公與二子等屍暴露四十餘日賊將趙天元過其側見公
展兩臂枕兩兒尸下馬再拜亦殮葬寺側撫蠻滅寇將軍
傅宏烈時駐兵梧州孫成陳文煥者亦土室中客也乘變
逃匿平樂進士袁景星家具公死事狀匍匐梧州求傅申
奏

上震悼加公太子少保兵部尙書諡文毅授世濟京卿使
世永入監讀書十八年正月三桂死宏烈兵敗柳州執至
貴陽盡節明年世濟疏請往迎先人骸骨得允先是土室

以飢寒死者凡十九人雄鎮若不聞者日以賦詩臨池自遣姬顧氏本吳中閨秀精通小學說文公撰彙草辨疑十二帙姬皆手爲旁訓之初公出撫

上解御衣以賜及聞延齡伏誅度必死乃以衣授武弁易友亮使藏匿先竄懼汚 君賜也世濟至粵西友亮獻衣述遺言世濟歸奏

上仍以衣賜世濟遣勲戚大臣奠醊 諭祭並賜

御書碑文立墓道贈李氏董氏誥命如夫官又特命議授四客官授守道正發啟祥友亮守備世濟厯官黔撫漕督

至少司寇世永以刺史歷運使國禎官江南常鎮道督餉
進藏卒于軍子日炳任金華知府長子宏基襲佐領次子
宏壘官蕭山西興驛丞公著有笏擊樓集康熙二十二年
敕建雙忠祠于桂林府治祀公及傅將軍宏烈云



桂林霜目錄 一名賜衣記

卷上



第一齣

家祭

第二齣

粵氛

第三齣

出撫

第四齣

幕議

第五齣

平寇

第六齣

閨誠

第七齣

叛噬

第八齣

告變

第九齣

脅降

第十齣

遣遁

第十一齣

投轅

第十二齣

再遣

卷下

第十三齣

幽禁

第十四齣

釋帖

第十五齣

誅叛